



Publicaziuns dalla vischnaunca, jamna 5

Damondas da baghegiar

2024-1003.000

Datum dalla publicaziun: 2 da fevrer 2024

Patruns: Jose Antonio Oliveira de Araujo & Alda Daniela Da Silva Gomes,
Via Disentiserhof 1,
7180 Disentis/Mustér

Representant: Jose Antonio Oliveira de Araujo,
Via Disentiserhof 1,
7180 Disentis/Mustér

Intenziun: Midada dintent d'ina ustria tier duas habitaziuns primaras ed in balcon
Edifeci nr.: 16
Parcella: 912
Adressa: Via Sursilvana 5, 7180 Disentis/Mustér
Zona: Zona da habitar mischedada 3 (HM3)
Zona da prighel: Negina

2024-1004.000

Datum dalla publicaziun: 2 da fevrer 2024

Patruna: Vischnaunca Disentis/Mustér,
Via Cons 2,
7180 Disentis/Mustér

Representanta: Vischnaunca Disentis/Mustér,
Via Cons 2,
7180 Disentis/Mustér

Intenziun: Remplazzament dallas casettas da rumien e tschentar novs molocs
Parcella: 438, 1900, 1576, 2292, 1695, 1040, 887, 1005, 1750, 2115
Adressa: Mira documentaziun
Zona: Mira documentaziun
Zona da prighel: Negina

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér



Annunzia da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suandont project:

Nr. 2024-2003.000

Andréa e Robert Bigliel-Wahrenberger, Via da Scola 3, 7180 Disentis/Mustér; remplazzament dallas finiastras digl edifices nr. 128A-A, Via da Scola 3, 7180 Disentis/Mustér.

Uffeci da baghegiar Disentis/Mustér

Exposiziun publica da cooperaziun Revisiun parziala dalla planisaziun locala «zonas dil spazi d'aua Val Sogn Placi/Val da Cuoz»

En applicaziun digl art. 13 dall'ordinaziun cantunala davart la planisaziun dil territori pil cantun Grischun (OPTGR) ha liug l'exposiziun publica da cooperaziun per ina revisiun parziala dalla planisaziun locala dalla vischnaunca da Disentis/Mustér.

Object:

Revisiun parziala dalla planisaziun locala
«Zona dil spazi d'aua Val Sogn Placi»
«Zona dil spazi d'aua Val da Cuoz»

Acts d'exposiziun Val Sogn Placi:

- Plan da zonas 1:2500
- Plan general d'avertura 1:5000

Annexas:

- Rapport da planisaziun e cooperaziun

Acts d'exposiziun Val da Cuoz:

- Plan da zonas 1:2500
- Plan general d'avertura 1:2500

Annexas:

- Rapport da planisaziun e cooperaziun

Temps da publicaziun:

30 dis naven dils 2 da fevrer entochen ils 4 da mars 2024 Liug e temps da publicaziun:

Casa communal (stanza nr. 10), Via Cons 2, 7180 Disentis/Mustér duront las uras da spurtegl ni online www.disentis.ch/downloads/exposiziun_publica_da_cooperaziun.

Propostas motivadas per midar ni cumpletar ils mieds da planisaziun ein da far a scret entochen ils 4 da mars 2024 (datum dil bul postal) alla suprastanza communal, Via Cons 2, 7180 Disentis/Mustér.

Suprastanza communal Disentis/Mustér



Alarm d'emprova 2024

Tenor communicaziun digl Uffeci da militar e da protecziun civila dil Grischun ha liug en l'entira Svizra

mesjamna, ils 7 da fevrer 2024,
– **allas 13.30/13.45 alarm general**
– **allas 14.15/15.00 alarm d'aua**

Ei setracta d'alarms d'emprova tier ils quals ei vegn examinau d'ina vart sche las sirenas funcziuneschan e da l'autra vart vegn dau la pusseivladad d'emprender d'enconuscher ils differents tuns d'alarm.

Alarm general

Cun quei alarm vegn la populaziun alarmada en cass da prighel smanatschont. Il signal «alarm general» ha in tun che crescha e sbassa e che cuoza ina minuta. Aschinavon ch'il signal «alarm general» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau la populaziun da tedlar radio, da suandar las ordinaziuns dallas autoritads e d'informar ils vischins.

Alarm d'aua

Igl alarm d'aua vegn menaus atras allas 14.15 ed allas 15.00. In tun bass da mintgamai 20 secundas en intervals da 10 secundas.

Aschinavon ch'il signal «alarm d'aua» avisescha **ordeifer igl alarm d'emprova**, lu significhescha quei ch'ina periclitaziun dalla populaziun ei pusseivla. En quei cass vegn supplicau da bandunar immediat il territori periclitau. Dils plans cul territori periclitau sa vegnir priu investa tier l'administraziun communal. Ulteriuras indicaziuns e reglas ein d'anflar sin teletext, pagina 680 ed era egl internet www.sirenentest.ch.

Bien engraziament per Vossa capientscha.

Suprastonza communal Disentis/Mustér

Biblioteca populara Disentis/Mustér e contuorn

Mesjamna, ils 7 da fevrer 2024 allas 19.30 envida la biblioteca alla prelecziun dil cudisch Pissiuns – revista d'in muntagnard cun igl autur Felici Schuoler e la lectora Lisa Schmid-Candinas. Suenter la presentaziun envida il team dalla biblioteca ad in pign apero.

Entrada libra.

Nus selegrein sin Vossa viseta.

Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Venderdis, ils 9 da fevrer 2024** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei.

Mats, la miur ed il team dalla biblioteca



Corporaziun da dretgs d'alp Nalps e Tegia miez

Radunonza generala, gliendisdis, ils 5 da fevrer 2024 allas 20.00 ell'Ustria Cresta Segnas.

Tractandas ordinarias supplementar:

5. informaziun e decisiun pertuccont curvegnentscha cun Nalps Solar AG

6. Alp da nuorsas Nalps, informaziun e decisiun L'investa els novs contracts sa vegni priu ordavon tier il president Armin Berther, 079 609 48 25.

Suenter la raduonza dat ei in sempel pushegn.

Cordialmein envida la suprastonza

Uniun da Tscheiver Mustér

Til da giubileum

Igl ei puspei inagada aschi lunsch ed il temps da scatschar igl unviern cun il Tscheiver ei vegnius. Nus leinsecapescha era aunc far empau fiasta entochen ch'ei vala da far Cureisma. Perquei lein nus far attents vus ch'il til da giubileum e la sera da barlot 2024 ha liug uonn ils 10 da favrer 2024 navenda las 14.00. Las gruppas vegnan sco mintg'onn ad ira en formaziun da til navenda la staziun entochen si tier il Center Fontauna. Ord quei motiv vegn la via serrada naven da il sparta vias Lucmagn- Alpsu entochen Center Fontauna respectiv Banca Raiffeisen e staziun.

Persunas ed uniuns ni era fatschentas e singuls che lessas far cun al til e che ein aunc buc s'annunziadas, san far quei sut www.tscheiver.ch.

Nus selegrein d'astgar passentar cun vus quei legreivel di.

Apparats d'udida

Gliendisdis, ils 5 da fevrer 2024 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el PUNTREIS, Center da sanadad a Mustér

Dunna Giger dalla firma Amplifon AG e signur Gfeller dalla firma Jäggi Optik & Hörberatung AG sorprendan comunablamein quei survetsch gratuit per tuts interessents.

Ei drova negina annunzia.
